



Horumarka Ilmahaaga

Heerarka barashada ee sanad dugsiyeedka 2017-18

Washington waxay leedahay heerar barasho oo fasalka barbaarinta ilaa fasalka 12aad (K—12) kuwaasi oo qeexaya aqoonta iyo xirfadda arday kastaa u baahan yahay si uu ugu diyaargaroobo shaqada, kuuliyadda, iyo nololaha marka uu dhammaysto dugsiya sare.

Hoos waxa ku qoran tusaalayaal kooban oo kusaabsan ahdaafta barashada muhiimka ah ee Washington ee fasalka 7aad.
Macluumaad dheeraad ah, booqo:

www.YourChildsProgress.com

- **Fanka.** Abuurista jaasas iyadoo la isticmaalayo aalado kiriyoogaaraafig; samaynta doorashooyin muusigeed oo kusalaysan awood; isbarbardhigga laxamada iyo qaababka tiyaatarka; u jawaabista fanka.
- **Teknoolajiyadda Waxbarasho.** Abuurista dalxiis aan la taaban karin ee Washington si loo muujiyo isbeddelka dimugaraafiyeed ee 100-kii sano ee tagay.
- **Fanka Luuqadda Ingiriisida (ELA).** Aqoonsiga fikradda udub-dhexaadka ee qoraal, soosaarista qoraal cad oo is-haysta iyadoo qaabab kala duwan la adeegsanayo, wadaagida cashar-bixinaha cilmibaaris.
- **Waxbarashada Caafimaadka iyo Jimicsiga.** Soosaarista xirfad iyo aqoon geemiska la

geddiyey, habdhaca iyo hawlaha madadaalo, sifaynta xirfadaha fikirka dhabta ah si looga dheeraado xaaladaha aan ammaanka ahayn.

- **Xisaabta.** Barashada xidhiidhada saami-galeed iyo xallinta masalooyin tallaabooyin badan oo ku lug leh lambarro, jajabyo, iyo tobanlayaal togan iyo taban.
- **Sayniska.** Wax-ka-barashada injineerinka, soosaarista moodooyin, iyo baadhista jawaab celinaha u dhexeeya habdhisyada.
- **Cilmiga Bulshada.** Baadhista taariikhda adduunka iyo gobolka Washington iyadoo aragtiyo iyo fikrado laga haysto waddaniyadda, dhaqaalaha, iyo juqraafiga.

Washington sidoo kale waxay leedahay heerar barasho **qaabdhismeedyada iyo heerar qaybeedka Bey'adda iyo Waaritaanka la Isdhexgaliyey, Luuqadaha Adduunka, Waxbarashada Shaqada iyo Farsamada** (oo loogu talagalay dugsiya dhexe iyo dugsiya sare), **Fasiixnimada Luuqadda Ingiriisida** (ee ELA, xisaabta iyo sayniska), iyo sidoo kale tilmaamaha **HIV & Caafimaadka Galmada** iyo **Barashada Hore** (dhalashada—fasalka 3aad) kuwaasi oo kaaba waxbarasho si buuxda loo diyaariyey oo loogu talagalay ardayda oo dhan.

Waxbarashada gaarka ah: Ardayda hesha adeegyadu waxay helaan waafajino, qaab-geddisyo, iyo taageerooyinka lagu sheego qorshayaashooda waxbarashada shakhsi ahaaneed.

Bartayaasha luuqadda Ingiriisida: Ardayda barata ku-hadalka Ingiriisida waxay leeyihiin heerarka fasiixnimada luuqadda oo ka caawiya macallimiinta inay qorsheeyaan waxbarista maaddooyinka oo dhan kuwaasi oo ku habboon heerka luuqadda arday kasta.

Sebteembar 2017, Lambarka Soosaarista 17-0029

FASALKA

7

Ahdaafta Barashada Gobolka Washington

Sharci-dejinta Gobolka Washington waxay aasaaseen afar hadaf oo barasho si loo taago aasaaska koboca dhammaan heerarka barashada tacliimeed ee gobolka:

1. U akhriska si faham leh, u qoris si wax-ku-ool ah, oo u gudbinta si meelmar ah adoo adeegsanaya qaabab kala duwan kuna sugan meelo kala duwan una jeeda dad kala duwan;
2. Barashada iyo dabbaqidda aragtida iyo mabaa'diida muhiimka ah ee xisaabta; bulshada, duleed, iyo nololeed cilmiyeedka; waddaniyadda iyo taariikhda, oo ay kujiraan dhaqamada kala duwan iyo kaqaybqaadashada matalaada dowladda; juqraafiga; fanka; iyo caafimaadka iyo dhisnaanta;
3. U fekerida qaab falanqayneed, caqligal ah, oo halabuur leh, iyo isdhexgalinta qorista iyo ku-fiicnaanta farsamada iyo sidoo kale waayo-aragnimada iyo aqoonta kala duwan si loo qaabeeyo go'aano macquul ah loona xalliyo dhibaatooyinka; iyo
4. Fahmida ahmiyadda shaqada iyo maalgalinta iyo sida hawlqabadka, dadaalka, iyo go'aannadu si toos ah ugu saameeyaan fursadaha shaqo iyo waxbarasho ee mustaqbalka.



Xafiiska Kormeeraha
Waxbarashada Dadweynaha
(Office of Superintendent of Public Instruction)
www.k12.wa.us

Imtixaanista Gobolka ee Washington

Sharciga federaalku wuxuu dhigaya in la imtixaano ardayda fasallada 3-8 sanad kasta marka dugsiga sarena laga qaado fanka luuqadda Ingiriisida (ELA) iyo xisaabta, iyo fasallada 5 iyo 8 iyo marka dugsiga sarena sayniska. Gobolka Washington sidoo kale wuxuu ka raba ardayda inay ka gudbaan imtixaano cayiman si ay u muteystaan inay ka qalinjabiyaan dugsiga sare.

Inta badan ardayda fasallada 3-8 waxay galaan imtixaanada **Smarter Balanced** ee ELA iyo xisaabta, iyo **Qiimaynta Dhammaystiran ee Washington ee Sayniska** ee fasallada 5 iyo 8. Imtixaanadaan waxa dhici karta in lagu qaato ama aan lagu qaadan qalab, taagyerooyin, ama waafajino.

Ardayda qabta dhibaatooyin xagga garashada ah oo waawayn oo lagu diiwaangaliyo Barnaamijka Waxbarashada la khaasyeelay (IEP) waxay galaan qiimaynta kale oo ELA, xisaabta, iyo sayniska ah, oo loo yaqaan Washington – Access to Instruction and Measurement (**WA-AIM**).

Imtixaanada gobolka qaado *marnaba* waa inaanu noqon waxa kaliya ee lagu go'aaminaayo xirfadaha iyo aqoonta tacliimeed ee ardayda. Haddii aad qabto su'aalo kusaabsan barashada ilmahaaga, fadlan la xidhiidh macallinka ama dugsiga ilmahaaga.

Ardayda barata ku-hadalka Ingiriisida ee fasallada barbaarinta ilaa fasalka 12aad waxay gali doonaan Qiimaynta Fasiixnimada Luuqadda Ingiriisida Qarniga 21aad (**ELPA21**). Qiimayntani waxay cabirta xirfadaha luuqadda Ingiriisida iyo korriinka sanadkii ee akhriska, qorista, dhageysiga iyo hadalka. Ardayda keena heerka fasiixnimada ee Soo Koraya (Emerging) ama Horumaraya (Progressing) ELPA21 waxay u-qalmaan inay helaan adeegyada taageerada barnaamijka luuqadda Ingiriisida.

Imtixaanada calaa Heer Fasal, 2017-18

Barba- arinta	1aad	2aad	3aad	4aad	5aad	6aad	7aad	8aad
ELA			✓	✓	✓	✓	✓	✓
Xisaabta			✓	✓	✓	✓	✓	✓
Sayniska					✓			✓

Xusuus-qorrada:

- Qiimaynta Fasiixnimada Luuqadda Ingiriisida waxay daruuri u tahay ardayda baranaya ku-hadalka Ingiriisida. Ardaydu waxay u galaan imtixaanka si ay ugu qalmaan helitaanka taageero. Waxay sii wadaan galista imtixaanka, si sanadle ah, ilaa ay gaadhaan fasiixnimada luuqadda Ingiriisida.
- Imtixaano kale ayaa la raba, laakiin degmooyinku waxay leeyihiin waxoogaa dabacsanaan ah kala-doorashada imtixaanada iyo go'aaminta marka ardaydu galayaan. Imtixaanada waxa kujira akhriska fasalka labaad iyo imtixaanada fasalka kusalaysan ee culuumta bulshada, fanka, waxbarashada caafimaadka iyo jimicsiga iyo maadooyin kale. Macluumaad dheeraad ah waxa laga heli karaa linkiyada Maadada la Baranayo (Subject Area) <http://www.k12.wa.us/assessment/default.aspx>.
- Degmo dugsiiyedyadu sidoo kale waxa dhici karta inay rabaan imtixaano dheeraad ah. Ka hubi degmo dugsiiyeedka deegaankaaga tafaasiil dheeraad ah.

Su'aalaha la Iska Waydiiyo Imtixaanista Gobolka

Waa maxay sababta uu ilmahaaygu ugu baahan yahay inuu galo imtixaanada gobolka?

Imtixaanista gobolka waxa dhigaya shuruucda gobolka iyo federaalka. Ma aha sida kaliya ee loo ogaan karo sida ardaygu dugsiga ku yahay, laakiin waxay gacan ka gaysan kartaa aqoonsiga mushkiladaha barashada intaan wakhti badan dhicin.

Dugsiga sare, gudbista imtixaanada gobolka ama waxyaalaha halkooda gala ee la ansixiyo waxay muujiyaan ardaydu inay leeyihiin aasaas adag oo xirfadaha tacliimeed, halkay doonaan dugsiga ha ka dhigtaane ama waxay doonaan ha doortaan kadib qalinjabintooda.

Ma arki karaa imtixaanka ilmahaayga?

Sababo ammaanka imtixaanka ah dartood, ardayda waxa laga yaabaa inayna kala hadal waxa ku qoran imtixaanada gobolka saaxiibada iyo qoyska. Hase yeeshee, qoysaska way u fasaxan yihiin inay soo fiiriyaan imtixaanada ilmahooda kadib marka la saxo.

Daaqadaha Imtixaanista Gobolka

Imtixaanista waxa la muddeeyaa waqtiyada hoos ku qoran gudahooda. La xidhiidh degmo dugsiiyeedka deegaankaaga si aad u ogaato taariikhaha ilmahaagu imtixaanka gali doono.

DAAQADAHAA IMTIXAANISTA GEBOLKA

Oktoobar WA-AIM
16– Abriil 6:

Febraayo 1– ELPA21
Maarso 30:

Maarso 5– Smarter
Junyo 8: Balanced

Abriil 16– Sayniska
Junyo 8:

OSPI waxay bixisaa warbixino buundo dhammaan imtixaanada sare ku qoran. La xidhiidh degmo dugsiiyeedka deegaankaaga si aad u hesho macluumaad dheeraad ah.

Maxay ka Dhigan Yihii Dhibcaha Imtixaanka Gobolku?

Heerka **4** **Dhaafay Heerarka la Rabo:** Muujiyay horumar sare oo ku aaddan yeelashada aqoonta iyo xirfadaha maaddada.

Heerka **3** **Gaadhay Heerka la Rabo:** Muujiyay horumar ku aaddan yeelashada aqoonta iyo xirfadaha maaddada.

Heerka **2** **Ugu Dhawaan Gaadhay Halka la Rabo:** Waxa dhici karta inuu u baahan yahay kobcin dheeraad ah si uu u muujiyo aqoonta iyo xirfadaha maaddada.

Heerka **1** **Aan Gaadhin Heerka la Rabo:** U baahan wax la qabasho wayn si uu u muujiyo aqoonta iyo xirfadaha maaddada.